

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : YB DATUK WIRA HAJI AHMAD BIN HAMZAH
[JASIN]**

TARIKH : 12 JUN 2014 (KHAMIS)

SOALAN :

Yb Datuk Wira Haji Ahmad Bin Hamzah [Jasin] minta PERDANA MENTERI menyatakan langkah-langkah berkesan untuk mengatasi syer pendapatan isi rumah yang semakin merosot berbanding GNI dan seterusnya menyebabkan jurang pendapatan yang semakin melebar di bawah NEM/ETP.

**JAWAPAN: YB SENATOR DATO' SRI ABDUL WAHID OMAR,
MENTERI DI JABATAN PERDANA MENTERI**

Tuan Yang di-Pertua,

Untuk makluman1 Ahli Yang Berhormat, syer pendapatan isi rumah berbanding pendapatan negara kasar (PNK) menunjukkan arah aliran yang semakin meningkat seperti dalam **Jadual 1**.

Jadual 1: Syer Pendapatan Isi Rumah kepada Pendapatan Negara Kasar, Malaysia, 1999,2009 dan 2012

Perkara	1999	2009	2012
Pendapatan negara kasar (RM juta)	301,484	698,641	905,899
Pendapatan isi rumah (RM juta)	115,000	291,000	383,000
Pendapatan isi rumah (% kepada PNK)	38.1	41.7	42.3

Seiringan itu, jurang pendapatan secara umumnya juga semakin bertambah baik. Ini ditunjukkan dengan pengurangan berterusan bahagian atau peratus pendapatan yang diterima oleh isi rumah berpendapatan 20 peratus tertinggi (T20%) berbanding peningkatan berterusan peratus pendapatan yang diterima oleh isi rumah 40 peratus terendah (B40%) sama ada di bandar dan juga di luar bandar (**Jadual 2**).

**Jadual 2: Agihan Pendapatan (Peratus Pendapatan Yang Diterima)
Bagi Kumpulan Isi Rumah 20% Tertinggi & 40% Terendah,
Malaysia 1970–2012 (%)**

Perkara	1970	1979	1989	1999	2009	2012
MALAYSIA STRATA				<u>20% Tertinggi</u>		
Bandar	55.7	55.5	50.5	50.5	49.6	48.6
Luar bandar	n.a	54.1 52.1	49.6 47.6	48.7 47.9	48.2 47.4	47.5 44.8
MALAYSIA STRATA				<u>40% Terendah</u>		
Bandar	11.5	11.9	14.5	14.0	14.3	14.8
Luar bandar	n.a	12.7 12.9	14.7 15.6	14.8 15.6	15.3 16.2	15.6 17.1

Sumber: Jabatan Perangkaan Malaysia, (DOS)

Tuan Yang di-Pertua,

Untuk makluman Ahli Yang Berhormat, jurang pendapatan antara Bumiputera dan bukan Bumiputera juga bertambah baik antara tahun 1999 hingga tahun 2009. Walaupun jurang tersebut meningkat sedikit pada tahun 2012, ia masih menunjukkan arah aliran yang bertambah baik secara keseluruhannya berbanding tahun 1999. Jurang pendapatan di antara bandar dan luar bandar pula menunjukkan arah aliran yang bertambah baik semenjak tahun 1970an hingga akhir 1980an. Walau bagaimanapun, dalam tempoh 1989 hingga 2012 jurang pendapatan antara bandar dan luar bandar menunjukkan arah aliran yang semakin meningkat (**Jadual 3**). Ini disebabkan oleh kerancakan aktiviti dan peluang ekonomi yang lebih besar di bandar serta proses urbanisasi yang tinggi.

**Jadual 3: Nisbah Ketaksamaan Pendapatan Antara Etnik dan Strata,
Malaysia, 1970–2012**

Perkara	1970	1979	1989	1999	2009	2012
ETNIK Bumiputera: Bukan Bumiputera	n.a	n.a	1:1.61	1:1.62	1:1.32	1:1.36
STRATA Luar bandar: Bandar	1:2.14	1:2.00	1:1.68	1:1.81	1:1.85	1:1.86

Sumber: Jabatan Perangkaan Malaysia, (DOS)

Sekian, terima kasih.

NO. SOALAN: 91

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : PUAN ALICE LAU KIONG YIENG [LANANG]

TARIKH : 12 JUN 2014

RUJUKAN : 6861

SOALAN:

Puan Alice Lau Kiong Yieng [Lanang] minta MENTERI DALAM NEGERI menyatakan :-

- (a) berapakah nilai rampasan dadah (mengikut jenis) sepanjang tahun 2010, 2011, 2012, 2013 dan 2014; dan
- (b) jumlah tangkapan yang dibuat, jumlah didakwa serta berapakah yang telah disabit dengan kesalahan mengedar dadah.

JAWAPAN:

Tuan Yang di-Pertua,

Bagi menjawab soalan (a), Kerajaan telah mengisyiharkan dadah sebagai musuh nombor satu negara pada 19 Februari 1983, apabila mendapati masalah dadah bukan sekadar masalah sosial tetapi merupakan ancaman kepada keselamatan negara. Jenayah narkotik merupakan jenayah rentas sempadan dan terancang yang berorientasikan keuntungan tinggi. Polis Diraja Malaysia (PDRM) memandang serius masalah pengedaran, penyalahgunaan dan penagihan dadah dalam negara. PDRM telah merangka strategi dan mengambil tindakan penguatkuasaan bagi membanteras jenayah narkotik dari terus berleluasa. Hasil daripada penguatkuasaan yang dijalankan, PDRM telah merampas pelbagai jenis dadah yang dianggarkan bernilai seperti berikut:-

Tahun	Nilai Rampasan Dadah
2010	RM 270.28 juta
2011	RM 243.32 juta
2012	RM 381.09 juta
2013	RM 402.73 juta
2014 (Jan – Apr)	RM 57.57 juta

Bagi menjawab soalan (b), PDRM memberi fokus utama untuk membanteras bekalan dadah dengan mempertingkatkan pengumpulan maklumat risikan dan perlaksanaan operasi mengesan dan menangkap sindiket atau individu yang terlibat dengan kegiatan

pengedaran dadah. Berikut adalah jumlah tangkapan dan pertuduhan di bawah Sek. 39B Akta Dadah Berbahaya kerana kesalahan mengedar dadah:

Tahun	Tangkapan	Jumlah Kertas Siasatan Dibuka	Jumlah Kertas Siasatan Dituduh	Jumlah Tangkapan Yang Disabitkan Hukuman Gantung
2010	3,700	2,296	1,576	133
2011	3,845	2,339	1,543	116
2012	4,019	2,390	2,062	74
2013	4,214	2,645	2,346	42
2014 (Jan – Apr)	1,680	1,020	831	12